

Bayibolu Yawanyana Anyanya  
yinakushima

Chatachikili  
Yihuñu YaMuntu



Ayisonekeli kudi: Edward Hughes

Ayilumbulula kudi: Byron Unger; Lazarus  
Alastair Paterson

Anakuyizatisha kudi: M. Maillot; Tammy S.

Ayituntulula kudi: [www.christian-translation.com](http://www.christian-translation.com)

Wunu mukanda awidisha kudi: Bible for Children  
[www.M1914.org](http://www.M1914.org)

©2022 Bible for Children, Inc.

Wuswa: Mudi nawuswa wakukopolola iyi nsañu,  
neyi chakwila hiyakulandishaku.



NZAMBI WALEÑELI YUMA  
YEZHIMA! Nzambi chaleñeliyi iyala  
watachi, Adama, washakamineña  
Mwitempa daEdeni nañodindi, Eva.  
Ashakamineña namuzañalu waweni  
wakumwovwahila Nzambi  
nawa atwalekelihu nakudiluñi  
kwikala nindi  
nichelili ifuku  
dimu...



Kapela hakumwihula  
Eva nindi, "Komana  
Nzambi wahosheli nindi  
bayi mudya kunyitond  
yezhima yamwitempaku?"

Wamwakwili nindi, "Tunateli  
kudya nyikaabu yakunyitond  
yezhima kufumisha wumu  
hohu, neyi tudyaku hela  
kukwataku kumukaabu,  
tukafwa." Kapela hakuseha  
nindi, "Chalala himwakafwaku."



"Mwakekala neyi  
Nzambi." Eva  
wakeñeli mukabu  
wawuna mutondu.  
Watiyilili kapela  
nawa wadyili mukabu.



Chelili Eva nakañanyi dehi  
kumwovwahila Nzambi  
wamuleñeleli Adama kudya  
kumukabu. Adama china  
wahosheli nindi, "Inehi!  
Kwonti kwami kubula  
kwovwahila Izu  
daNzambi."





Adama na Eva chavulumwinuwu, wezhima  
wawu elukili nawu adiña nzekesi. Achimini  
mafу amukuyi nakuvwala, nawa aswamini  
munyitondу kuchina kuyimona kudi Nzambi.




Nzambi wenzhili mwitempa hawundaña  
mutena. Welukili chuma chakoñeli  
Adama na Eva. Adama watwikili  
muloña hadi Eva. Eva niyena watwikili  
muloña kapela. Nzambi wahosheli  
nindi, "Kapela nekali washiñewa.  
Mubanda wakatiyaña kukata  
hakuvwala anyana."



"Adama, muloña wakwila  
wunavulumuni, iseki dinashiñewi  
nanyiña ninyibambaño ma.  
Mwakazataña nañovu nawa  
mumasulwila akumesu eyi  
dimuwakamwenaña yakudya."





Nzambi wayifumishili  
Adma na Eva mwitempa  
dadiwahi. Muloña  
avulumwini, afumini kudi  
Nzambi wenkaña wumi!





Nzambi washili mpoku yakabali  
yamuzuzu wakesi kulonda abuli  
kufunta. Nzambi wayituñilili  
Adama na Eva yakuvwala  
yayilehi yayitembi. Indi  
Nzambi  
wafumishili  
kudihi yitembi?


Mukuhita kwampinji, Adama na Eva ekalili nachisaka.  
Wedi wawu wadiña Kena, wadiña ndimi. Mwanawu  
wamuchiyedi, Abeli wadiña kabiña.



Ifuku dimu Kena waleteli kudi Nzambi mbutu jimuneyi chawana. Abeli waleteli yimuna yindi yanyikoku yayiwahi neyi mulambu kudi Nzambi. Nzambi watiyili kuwaha nachawaana chahaniniyi Abeli.



Ilaña Nzambi hatiyili kuwaha  
nachawaana cha Kenaku. Dichi  
Kena wahilili chikupu. Ilaña  
Nzambi wahosheli nindi, "Neyi  
wabalumuka nakwila yuma  
yayiwahi, komana hiyakukutiya  
kuwahaku?"



Kena waswejeli kuhila. Chimwahitili  
mpinji iku adi mwitempa Kena  
wamweteli Abeli - nakumujaha!



Nzambi wamwihwili Kena. "Manakweyi Abeli wudi kudihi?" Kena watwambili nindi, "Neluki wanyi. Yami namuhembaña manakwami?" Nzambi wamushiñili Kena kuhitila mukuleñela yakañanyeña kudima nikumwilisha yekali mukwakukimboka.



Kena wafumini kumesu AMWANTA. Wasumbwili muhelindi wakuvwala kudi Adama na Eva. Ekalili nachisaka. Mukuhita kwamafuku, anyana kaKena niezukulwindi avulili nakwinzala mumusumba watuñiliyi.



Dichi, mumpinji yantesha chisaka  
cha Adama na Eva chavulili.

Hamafuku wenowu, antu ahandileña  
yaaka yayivulu kubadika makonu.



Chasemukili mwanindi Seti, Eva wahosheli nindi, "Nzambi nantondeli mwana mukwawu wakusinsa hadi Abeli." Seti wadiña iyala wamwakaminena Nzambi wahandili yaaka 912 nawa wasemeni anyana amavulu.



Mwituña, antu aswejeli kutaminaku  
mukuhita kwamakiňu alondeleluhu.  
Nkumininaku, Nzambi wafukwiluhu  
kujilumuna muchidi wamuntu nawa  
Atunyama ezhima nituzhila.



Nzambi waditoñesheli nindi asi  
muntu hinamuleñeluku. Ilaña  
iyala wumu wamutiyishili Nambi  
kumuchima kuwaha...



Iwu iyala wadiña Nowa. Wafumini muchisaka  
cha Seti, Nowa wadiña walōña wabulili  
nihataminayi. Nowa wendeli naNzambi.



Walezheli nianyanindi asatu kumwovwala Nzambi. Dichi Nzambi wafukwiluhu kumuzatisha Nowa munzhila yayiwahi nawa yakuhayamisha!



Chatachikili Yihuñu YaMuntu

Nsañu yaMwizu daNzambi, Bayibolu,

yawanikaña mu

Kutachika 3-6

“Kusoloka kwaMazu eyi kwaletaña chezhezhi.”  
Masamu 119:130





Hanakumini  
Nsañu



Iyi nsañu yamu Bayibolu yinakutulezha hadi Nzambi yetu  
wamuwahi watuleñ'eli nawa nakukeña enu mumwiluki.

Nzambi weluka nindi twekoñaña yuma yatama, Yatenañayi nindi  
nshidi. Wuloku wanshidi hikufwa, ilaña Nzambi waswezha  
kuyikeña Watemesheli mwanindi wumu hohu, Yesu, kwinza  
nakufwila haKulusu nawa wayandilili nshidi zhenu. Dichi Yesu  
wasañukili nawa wafuntili Mwiwulu mwashakamañayi! Neyi  
mwakuhwelela mudi Yesu nawa neyi mumulomba wukwanakena  
nshidi yenu, Wukuyanakena! Natweshi kwikala nanenu, ninenu  
nawa mukwikala nindi haya nyaka.

Neyi munetezhi nenu iyi nsañu yalala, mulezhenu Nzambi nenu:  
Mwanta Yesu, nakuhweleli nami Yeyi Nzambi, wenzhili neyi muntu  
kulonda kufwila nshidi zhami, nawa wasañukili. Nakutambwili  
muwumi wami nawa anakenaku nshidi zhami, kulonda nekali nawumi  
wawuha, nawa nakekali naneyi haya nyaka. Nkwashi nikwovwahili  
nendeña naneyi hamu neyi mwaneyi. Amena.

Tañenu Bayibolu nakuhosha naNzambi ifuku niifuku!  
Yowanu 3:16

